

vocabulo indignos se exhibent: qui in cenobijs corpore sunt constituti: sed animo et actione seculariter viuunt. Resumunt peculium quod dimiserunt: obedientiam despiciunt quam sponderunt: castitatem violant quam solenniter vouerunt. Tria substantialia religionis sue vota transgredi non metuunt: et se monachos esse gloriantur. O vana religio: in qua voti consideratio non habetur. Quid aurum et argentum congregat: quod monachum profitetur? Quid peculium o monache possides: qui voluntariam vouisti paupertatem? Eni uero monachus non est: qui diuicias in mundo possidet. Igitur contra hoc proprietatis vicium nos loqui compellit occasio: que nota est his qui ad scribendum nos prouocauerunt. Multos enim hoc morbo infectos religiosi nominis viros cernimus. et dolemus.

Quam periculosum sit votum non reddere.

Cap. iij.

Quid o monache ingrati: quod tibi scriptura diuina precipiat. Ait enim. Si quid domino vouisti: nemozeris reddere. Displicet ei infidelis et stulta promissio. Multo enim melius est non vouere quam promissum negare. Quicquid igitur deo voueris. redde. Vis nosse quod illi promiseris? Regulam tuam secundum quam uere spondisti considera. Quid illa precipit? Audi summarium. Conversionem morum tuorum secundum ordinationem tibi indicit monasticam: deinde abdicationem omnis proprietatis usque ad aciem ualorem tibi mandat perpetuam: obedientiam et castitatem tibi precipit: et stabilitatem tibi ordinis usque ad obitum continuandam imponit. Hec est summa promissionis tue: hec est necessitas monastice discipline: quam si temere transgressus fueris: voti peruaricator eris. Si uidua continentiam perpetuam vouerit: nubere ei de cetero non licebit. Si autem pro voto nupsit: contra se deum irritauit. Antequam promitteret deo ut esset uidua in ipso erat potestate nubere: postquam hoc semel continentiam vouit: iam deinceps libertatem nubendi penitus amisit.